



Broj: 12-11-15-1425/22
Sarajevo, 17. 5. 2022. godine

Na osnovu člana 72. stav (3) tačka a) Zakona o javnim nabavkama („Službeni glasnik BiH“, broj 39/14), nakon provedenog postupka javne nabavke štamparskih i knjigovezačkih usluga za potrebe Ureda za reviziju institucija u Federaciji Bosne i Hercegovine putem konkurentskog zahtjeva, generalni revizor donosi

ODLUKU

o dodjeli ugovora drugorangiranom ponuđaču za javnu nabavku štamparskih i knjigovezačkih usluga

I

Poništava se Odluka o izboru najpovoljnijeg ponuđača i dodjeli ugovora za javnu nabavku štamparskih i knjigovezačkih usluga broj: 12-11-15-1319/22 od 4. 5. 2022. godine, kojom je za najpovoljnijeg ponuđača izabrana ponuda ponuđača PRINT SHOP d.o.o. Istočna Ilidža za ponuđenu cijenu od 6.950,00 KM bez obračunatog PDV-a.

II

Ugovor o javnoj nabavci za štamparske i knjigovezačke usluge dodjeljuje se drugorangiranom ponuđaču, O.R. Agenciji Aligo Sarajevo, čija ukupna cijena nakon e-aukcije iznosi 6.984,00 KM bez obračunatog PDV-a jer je u konkurentskom zahtjevu za dostavu ponuda, nakon provedene e-aukcije, po rang-listi odmah nakon najpovoljnije ponude ponuđača PRINT SHOP d.o.o. Istočna Ilidža.

III

Ova odluka stupa na snagu danom potpisivanja i bit će objavljena na službenoj internet stranici Ureda za reviziju institucija u Federaciji Bosne i Hercegovine, <http://www.vrifbih.ba/>.

Obrazloženje

Ured za reviziju institucija u Federaciji Bosne i Hercegovine (u daljem tekstu: Ugovorni organ) pokrenuo je, u skladu s odredbama Zakona o javnim nabavkama („Službeni glasnik BiH“, broj 39/14) i Odlukom broj: 12-11-15-893/22 od 28. 3. 2022. godine, postupak javne nabavke putem konkurentskog zahtjeva za dostavu ponuda za izbor najpovoljnijeg ponuđača za nabavku štamparskih i knjigovezačkih usluga za potrebe Ugovornog organa.

Obavještenje o javnoj nabavci broj: 296-7-2-27-3-12/22 objavljeno je na Portalu javnih nabavki 1. 4. 2022. godine.

Komisija za javnu nabavku za izbor najpovoljnijeg ponuđača za nabavku štamparskih i knjigovezačkih usluga Ureda za reviziju institucija u Federaciji Bosne i Hercegovine, imenovana Rješenjem generalnog revizora broj: 12-11-15-893-1/22 od 28. 3. 2022. godine, prije zakazivanja e-aukcije izvršila je rangiranje prihvatljivih ponuda ponuđača, prema kriteriju najniža cijena tehnički zadovoljavajuće ponude, na sljedeći način:

- Štamparija Fojnica d.d. Fojnica
- PRINT SHOP d.o.o. Istočna Ilidža
- O. R. Agencija Aligo Sarajevo
- KOPIKOMERC Istočno Novo Sarajevo

Nakon uspješno završene e-aukcije, Komisija je izvršila rangiranje prihvatljivih ponuda, prema kriteriju najniža cijena tehnički zadovoljavajuće ponude, na sljedeći način:

- PRINT SHOP d.o.o. Istočna Ilidža

- O.R. Agencija Aligo Sarajevo
- KOPIKOMERC Istočno Novo Sarajevo
- Štamparija Fojnica d.d. Fojnica

Na preporuku Komisije iz Zapisnika o pregledu i ocjeni ponuda broj: 12-11-15-893-8/22 od 29. 4. 2022. godine donesena je Odluka o izboru najpovoljnijeg ponuđača i dodjeli ugovora za javnu nabavku štamparskih i knjigovezačkih usluga broj: 12-11-15-1319/22 od 4. 5. 2022. godine, kojom je za najpovoljnijeg ponuđača izabrana ponuda ponuđača PRINT SHOP d.o.o. Istočna Ilidža čija cijena iznosi 6.950,00 KM bez PDV-a, jer je u konkurentskom zahtjevu za dostavu ponuda, nakon uspješno okončane e-aukcije, ponudio najnižu cijenu tehnički zadovoljavajuće ponude, u skladu s članom 64. stav (1) tačka b) Zakona o javnim nabavkama.

Shodno Obavještenju ponuđačima o rezultatima postupka broj: 12-11-15-1141-1/22 od 4. 5. 2022. godine, ponuđač PRINT SHOP d.o.o. Istočna Ilidža bio je dužan u roku od 5 (pet) dana od zaprimanja Obavještenja i Odluke o izboru najpovoljnijeg ponuđača broj: 12-11-15-1319/22 od 4. 5. 2022. godine dostaviti dokumente iz tačaka 8.10 i 8.11 Tenderske dokumentacije, ne starije od tri mjeseca od dana predaje ponude, s tim da datum izdavanja dokumenata ne smije biti nakon datuma podnošenja ponude.

Uvidom u knjigu djelovodnog protokola Ugovornog organa utvrđeno je da je 4. 5. 2022. godine ponuđaču PRINT SHOP d.o.o. Istočna Ilidža otpremljeno Obavještenje ponuđačima o rezultatima postupka broj: 12-11-15-1141-1/22 od 4. 5. 2022. godine i Odluka o izboru najpovoljnijeg ponuđača i dodjeli ugovora broj: 12-11-15-1319/22 od 4. 5. 2022. godine, a uvidom u dostavnicu utvrđeno je da je dostavljanje navedenih dokumenata najpovoljnijem ponuđaču PRINT SHOP d.o.o. Istočna Ilidža izvršeno putem pošte 7. 5. 2022. godine.

Izabrani ponuđač je Ugovornom organu dana 16. 5. 2022. godine dostavio dokumentaciju, koja je protokolirana pod brojem: 12-11-15-1141-2/22. Uvidom u dostavljenu dokumentaciju, utvrđeno je da je izabrani ponuđač dostavio neovjerenu dokumentaciju iz tačaka 8.10 i 8.11 Tenderske dokumentacije. Kako izabrani ponuđač u ostavljenom roku, po prijemu Obavještenja i Odluke o izboru najpovoljnijeg ponuđača, nije dostavio traženu dokumentaciju kako je to traženo tačkama 8.10 i 8.11 Tenderske dokumentacije, a što je bio dužan dostaviti do 13. 5. 2022. godine, prema odredbama člana 72. stav (3) tačka a) Zakona o javnim nabavkama, zbog njegovog propuštanja da dostavi originale ili ovjerene kopije tražene dokumentacije, Ugovorni organ ugovor dodjeljuje drugorangiranom ponuđaču.

Iz navedenih razloga odlučeno je kao u dispozitivu ove odluke.

Pouka o pravnom lijeku:

U skladu sa članom 99. i članom 101. Zakona o javnim nabavkama protiv ove odluke može se uložiti žalba u roku od 5 (pet) dana od dana zaprimanja odluke.

Žalba se ulaže Ugovornom organu u pisanom obliku neposredno na protokolu ili preporučenom poštanskom pošiljkom.

Žalba se podnosi u dovoljnom broju primjeraka, a koji ne može biti manji od 3 (tri).

Dostaviti:

- O.R. Agencija Aligo Sarajevo
- PRINT SHOP d.o.o. Istočna Ilidža
- KOPIKOMERC Istočno Novo Sarajevo
- Štamparija Fojnica d.d. Fojnica
- u spis predmeta nabavke
- a/a

